



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

23332
918

P

398-5
9-96
1864

6010

12002

ԳԵՐՄԱՆԻԱՆ
ԱԶԳԱՅԻՆ ԱՌԱԿՆԵՐ



Дозволено Цензурою. С.-Петербургъ, 23 Сентября 1864 г.

398.5

Գ-96 ԳԵՐՄԱՆԱԿԱՆ ԱԶԳԱՅԻՆ

ԸՆԸԿՆԵՐ

ԵՊՐԵՑ ԳՐԻՄՄՍՑ ԱՇԽԱՏՈՒԹԵՍՄԲՀԱՏՄՔՆԵՐ.

—

Թարգմանութիւն Ֆրանսիականէն

Եւայլ Տեղ Գրի Գործադրութ:

ՏԵՂՄԱԿ Բ.

ՎՀ 37425

Ա. ՊԵՏԵՐԲՈՒՐԴ.

1864

hfr

42417-к2.

Профсоюзный Физкультурный Спортсменский Центр.

По Офицерской улицѣ (напротивъ Демидова сада), домъ № 46.



26091-61

ԳԵՐՄԱՆԱԿԱՆ ԱԶԳՈՅԻՆ

ԵՌԵԿՆԵՐ

—
4

ԹՍՄԻԿԸ ԵՐԿՆՔՈՒՄԸ.

Մի օր մեռաւ մի խեղճ բարեսիրտ ոամիկ
և եկաւ գրախտի դուռը: Մի և նոյն ժա-
մանակ մեռել էր մի հարուստ մեծատուն,
որ նոյնպէս վերացել էր երկինք: Սուրբ
Պետրոսը եկաւ իւր բանալիներով, բացեց
դուռը ու մտցրաւ մեծատունին, բայց ան-
տարակոյս, նա չտեսաւ Ռամիկին, ըստ որում
նորան դուրս թողաւ ու փակեց դուռը:
Ռամիկը լսեց ուրախութեան ընդունելու-
թիւնը, որ երկինքը երգերով և երաժշտու-
թեամբ անում էր հարուստին: Երբ ձայ-

ները դադարեցան , սուրբ Պետրոսը վերա-
դարձաւ և մոցրաւ վերջապէս Ռամիկին : Աս-
սպասում էր , որ իւր մոցնելիս՝ երգեցողու-
թիւնը ու երաժշտութիւնը նորից սկսի :
Սակայն , ոչ մի ձայն չլսուեցաւ : Նորան
ընդունեցին բաց սրտով , բայց մի ոչ հանդէս
չեղաւ և ոչ ոք չի երգեց : Ռամիկը հարց-
րեց առւրբ Պետրոսին թէ ինչո՞ւ համար
երաժշտութիւն չեղաւ նորա համար էլ ,
ինչպէս որ հարուստին , և թէ կողմնապա-
հութիւնը թագաւորում է երկնքումն էլ :
Ոչ , պատասխանեց Սուրբը . դու մեզ հա-
մար ուրիշներից պակաս չես , և այս մըտ-
նողից էլ սակաւ չես վայելեր դրախտի եր-
ջանկութիւնը , բայց արի տես , որ քեզ
նման խեղճ ռամիկներ մտնում են այս տեղ
ամեն օր , այն ինչ հարիւր տարին մի ան-
գամ հազիւ թէ մի հարուստ մտնէ :

ՍՊԻՏԱԿ ՁԻՒՆ ԵՆ ԿԾՐՄԻՐ ՎԱՐԴԻ.

Ան աղքատ այրի կին բնակվում էր առանձին խրճիթի մէջ, որի գրան առաջ կար պարտէղ երկու վարդի ծառով, որից մինը բերում էր սպիտակ, միւսը կարմիր վարդ։ Այս այրի կինը ունէր երկու աղջիկ, շատ նման այդ երկու վարդի ծառերին։ Մինի անունը Սպիտակ Զիւն էր, միւսինը կարմիր Վարդ։ Այս երկու երեխայքը խիստ բարեպաշտ, հնազանդ և աշխատասէր էին. բայց Սպիտակ Զիւնը աւելի խաղաղ ու քաղցրը բնաւորութեան տէր էր. իսկ կարմիր Վարդը սիրում էր վաղվեր կանաչի և դաշտի վրայ, ծաղիկներ ու թիթեռներ փնտռել Սպիտակ Զիւնը մնում էր տունը իւր մօր հետ, օդնում էր նրա տնական գործերին, և երբ գործերը վերջանում էին, կարդում էր նրա համար մի բան։ Երկու քոյր այնքան սիրով էին մէկ մէկու հետ, որ միշտ ձեռք ձեռքի բռնած միասին դուրս էին գալիս. և երբ Սպիտակ Զիւնը ասում էր. «Մենք երբէք չենք բաժանվել,» կարմիր

Վարդը պատասխանում էր „Մինչև մեր մահը.“ իսկ մայրը աւելացնում էր „Ամենայն ինչ ձեր մէջ պէտք է լինի հասարակաց:“

Կոքա յաճախ գնում էին միայնակ անտառ վայրենի պտուղներ հաւաքելու համար: Կենդանիք մեծարում ու աներկիւղաբար մօտանում էին նոցա. նապաստակը ուտում էր ձեռքերի տակ, եղջերուն խաղում էր նոցա առջե, և թուզունները, ծառերի ճիւղերի վրայ թառած, երգում էին իրանց գեղեցիկ երգերը: Երբէք ոչ մի ձախորդութիւն չէր պատահում նոցա. եթէ գիշերը վրահանէր անտառում, նոքա գրկախառնած պառկում էին մամուռի վրայ և քուն էին լինում մինչեւ միւս առաւօտ, առանց մի անհանգստութիւն պատճառելու իրանց մօրը: Մի տնգամ, երբ նոքա գիշերը անցուցին անտառում, արշալոյալ բացուածին պէս զարթելով՝ տեսան իրանց առաջ մի գեղեցիկ, սպիտակ փայլուն շոր հագած երեխայ, որ ձգելով նոցա վրայ բարեկամական հայեացք, իսկոյն առանց մի խօսք ասելու աներեւոյթ եղաւ անտառումը: Այդ միջոցին նոքա նըկատեցին անդունդը, որի ափին ննջել էին և որի մէջ անպատճառ կ'գլորվէին, եթէ էլ

մի երկու քայլ անէին այդ խաւարումը : Նոցա մայրը ասաց, որ այդ երեխան, անշուշտ, բարեսիրտ աղջկանց պահապան հըրեշտակը պէտք է լինի: Սպիտակ Զիւնը և կարմիր վարդը այնպէս յստակ էին պահում իրանց մօր խրճիթը, որ հայելու պէս կարելի էր նրա մէջը նայել: Ամառը կարմիր վարդը պարապում էր տան գործերով և ամեն առաւօտ վերկենալու ժամանակ, մայրը գտնում էր մի ծաղկեայ փունջ, որի մէջ լինում էր երկու տեսակ վարդ, սպիտակ ու կարմիր: Զմեռը, Սպիտակ Զիւնը վառում էր կրակ, կախում էր կարթից արոյրէ պոյտը, որ գեղեցիկ մաքրած ուկու պէս փայլում էր: Երեկոյին երբ ձիւն էր գալիս, մայրը ասումէր. ո Սպիտակ Զիւն, գնա գուսը փակիր. յետոյ նստում էին կրակի առաջ. մայրը գնում էր ակնոցները աչքին և կարդում էր մի մեծ գիրք. իսկ երկու փոքրիկները լսում էին նրան մանելով իրանց աղեկատը: Մի ուլիկ միշտ պառկում էր նոցա ոտերի տակ, իսկ նոցա յետեւը մի տատրակ գլուխը թևերի տակ առած ննջում էր ծառի վրայ: Մի երեկոյ, երբ միասին ժողոված էին, յանկարծ գուռը բաղխեցին: ո կարմիր վարդ, ասաց մայրը, գնա շուտով գուռը

բաց, անտարակոյս, մի մոլորված ճանապարհորդ փնտռում է գիշերուայ ապաստանարան : Երբ կարմիր Վարդը գնաց քաշեց պարզունակը, յուսալով ներս ընդունել մի աղքատ մարդ, յանկարծ կիսաբաց դոխոց մի արջ մտցրաւ իր մեծ սեւ կնձիթը : Կարմիր Վարդը փախաւ կանչելով, ուլիկը սկսեց բառաչել, աղաւնին թոթուալ տան մի անկիւնից միւսը, Սպիտակ Զիւնը սրտադող պահվեցաւ իր մօր մահճակալի յետեւը. բայց արջը ասաց նոցա. «Մի՛ վախէք ինձանից, ես ձեզ վատութիւն չեմ անիլ. ինդրումեմ միայն հրաման փոքր՝ ինչ տաքանալու, ինչու որ կիսով չափ սառած եմ» :

— Պօտացիր կրակին, խեղճ արջ, պատասխանեց մայրը, միայն դգոյշ եղիր, որ մորթիդ չայրես: Յետոյ շարունակեց. «Սպիտակ Զիւն, կարմիր Վարդ, վերադարձէք այս տեղ, արջը ձեզ վնաս չի տալ, նրա միտքը չար չէ:» Երկուքն էլ վերադարձան, վերջը ուլիկը ու տատրակը, կամաց կամաց մոռանալով իրանց վախը, նոյնպէս մօտացան:

Երջը ասաց. «Տղայք, թափեցէք փոքր ինչ կոնակիս ձիւնը:»

«Եռքա առին աւել և յստակեցին բոլոր

մորթին, այդ գործողութիւնից յետոյ, առջը պառկեցաւ կրակի առաջ ուրախ ուրախ պոռոստալով։

Երեխայքը շուտով հանգստացան ու սկսան խաղալ այս անակնկալ հիւրի հետ։ Նոքա քաշումէին մորթուց, նստումէին կըռնակի վրայ, թաւալումէին սենեակի մէջ ու մտրակով կամացուկ դարնումէին։ և երբ նա սկսումէր պոռոստալ, նոքա բարձրաձայն ծիծաղումէին։ Արջը չէր յանդիմանում նոցա, միայն երբ խաղը չափից դուրս էր գալիս, նա ասումէր, «Թողէք ինձ ապրել, մի՛ սուլանէք ձեր հիւրը»։ Երբ պառկելու ժամանակը եկաւ, մայրը ասաց նրա, «Մնացիր այս աեղ, անցրու դիշերը կրակի առաջ։ դոնէ դու կ'պատսպարվես այս տեղ ցրտից և անբարեխառն եղանակից»։

Երեցածին պէս, փոքրիկ աղջիկները բացին դուռը և նա դնաց անտառ մեծ մեծ քայլեր անելով։ Այն օրից սկսած նա վերադառնումէր ամեն երեկոյ մի և նոյն ժամին, պառկումէր կրակի առաջ և տղայքը խաղումէին նրա հետ, որքան որ կամենումէին։ Նրան այնպէս ընդելացել էին, որ դուռը անդամ չէին փակում մինչև նրա գալը։

Երբ աշունը եկաւ ու բոլոր շրջակայքը
կանանչացան, մի առաւօտ արջը ասած Ապի-
տակ Զիւնին ու Ես կ'երթամ ու մինէլ չեմ
վերադառնալ ամառը:

— Ո՞ւր ես գնում, սիրելի արջ, հար-
ցրեց Ապիտակ Զիւնը:

”Ես գնումն անտառ չար Թղուկներից
գանձերս սլահպանելու. ձմեռը, երբ երկիրը
սառած է, նոքա ստիպուած են մնալ իրանց
ծակերում, չկարողանալով ճանապարհ բա-
նալ, բայց այժմ երբ արեգակը տաքացրեց
գետինը, նոքա դուրս են դալիս աւազակու-
թիւն անելու: Ինչ որ մի անգամ մտնումէ
նոցա ընակարանը, մինէլ այն տեղից դուրս
չի կարելի հանել: Ապիտակ Զիւնը շատ
տխրեցաւ արջի գնալուն. երբ որ դուռը
բացեց, արջը դոնափակին դպչելով քերթեց
մորթին և աղջիկը նկատեց որ նրա կաշին
ուսկու պէս փայլուն էր, բայց տակաւին չէր
հաւաստի այդ մասին: Արջը շուտ շուտ
գնաց ու անհետացաւ ծառերի քամակը:

Վի փոքրից յետոյ, մայրը ուղարկեց իր
աղջիկները անտառ չոր ծառեր հաւաքելու
համար. դոքա տեսան մեծ կտրած ծառ և
մի ուրիշ բան, որ շարժվումէր այս կողմ
այն կողմը կանաչի մէջ, սակայն չկարողացան

որոշել թէ ի՞նչ էր այդ բանը: Մօտանալով
նկատեցին փոքրիկ ծերացած թղուկ կնճռած
երեսով և մի կանգուն սպիտակ մօրուքով:
Մօրուքը մնացել էր ծառի ճեղքի մէջ և
թղուկը, իբր մի խաղացող շնիկ, վեր վեր
էր թռչկոտում չկարողանալով ազատել:
Ուղղելով իր կրակոտ հայեացքը փոքրիկ-
ների վրայ, կանչեց. ո՞նչ այդ տեղ փայտի
պէս կանգնել էք, փոխանակ ինձ օգնութիւն
տալու:

— Խեղճ, ի՞նչպէս պատահեցաւ որ ընկար
այդ թակարդը: ո՞Յիմար հարցասէրներ, ա-
սաց թղուկը, ես ուղեցի ճեղքել այս ծառը
խոհանոցիս համար ճղելներ ^{*)} պատրաստե-
լու, պատճառ, մեր ամանները շատ քնքոյշ
են ու մեծ փայտերի չեն դիմանալ, խկոյն
կ'այրվեն: Մենք ձեր որկրամուկ կոպիտ ցեղի
պէս չենք լափում ճաշը մեծ մեծ պատառ-
ներով: Ես մօտացրի սեպը ծառին, բայց
այդ անիծեալ սեպը այնպէս լպրծուտ էր,
որ դուքս թռաւ այն բոպէին, երբ տակա-
ւին չէի սպասում, և ճեղքը այնպէս շու-
տով փակուեցաւ որ ես չհասայ հանելու իմ
փառաւոր սպիտակ մօրուքս ճեղքից. այժմ

^{*)} Щепки.

ահա մնացել է այս տեղ, չգիտեմ ի՞նչպէս
հանել: Հապա, ինչու կանգնած ծիծաղումէք,
ի՞նչ կայ, ի՞նչ ականջներդ կախած նայումէք:

Երեխայքը որքան չաշխատեցին, չկարո-
ղացան աղատել մօրուքը, որը կարծես թէ
մամուլի տակ էր Ճնշվել:

“Ես կ'վաղեմ մարդիկ բերելու, “ ասաց
կարմիր Վարդը :

— Մարդիկ բերել, բացազանչեց Թղուկը
կերկերած ձայնով. դուք երկուքդ բաւական
չեք մի՛թէ, աւանակնե՛ք:

— Փոքր ի՞նչ համբերութիւն ունեցէք,
մենք կ'աղատենք ձեղ, ասաց Ապիտակ Զիւնը
և հանելով գրալանից իր փոքրիկ մկրատը,
կտրեց մօրուքի ծայրը : Թղուկը աղատուե-
լուց յետոյ, իսկոյն գնաց առաւ լի ոսկով
պարկը, որ պահած էր ծառի արմատի մէջ
և մումալով ասաց . “Կոպիտ արարածք,
այսպէս կտրել իմ փառաւոր մօրուքիս ծայ-
րը, թո՛ղ սատանան ձեղ հատուցումն աայ: “
Յետոյ նա դրաւ պարկը իր կռնակի վրայ և
չնայած վրաները, հեռացաւ նրանցից : Մի
քանի ամիս անցած երկու քոյր գնացին մի
օր ճաշի համար ձուկ որսալու: Մօտանա-
լով գետին, տեսան մի տեսակ մեծ մարախ,
որ ոստոստումէր ջրի ափին, ասես թէ ջու-

րը նետուելու դիտաւորութեամբ։ Նորա վազեցին և ձանաչեցին Թղուկը։ ո՞նչ ես անում, ասաց կարմիր Վարդը, ուղումես ջուրը ընկնել։”

— Այնքան յիմար չեմ, բացագանչեց Թղուկը, չեմ տեսնում այս անիծած ձուկը քարշումէ ինձ։


Թղուկը նոյնպէս եկել էր ձուկ բռնելու ու ձգել էր կարթը. բայց դժբաղդաբար քամին խառնել էր նրա մօրուքը թելի հետ։ Մի քանի րոպէից մեծ ձուկ կծել էր կերը և, լինելով աւելի ուժեղ, քարշում էր տը-կար ստեղծուածը դէպի իր կողմը։ Որքան չաշխատեց խեղճ Թղուկը բռնվել դետափին մացառներից ու կանանչներից, չկարողացաւ աղատվել ձուկից, և անպատճառ կ'գլորվէր ջուրը, եթէ դրսից օգնութիւն չստանար։ Աղջիկները հասան ժամանակին և փորձեցին մօրուքը արձակել, բայց խղուր, ըստ որում սաստիկ խառնված էր թելի հետ. դարձեալ հարկաւոր եղաւ մլրատին դառնալ ու նրանով կտրել մօրուքի մի մասը։ Այն ինչ Թղուկը նկատեց այդ, բարկանալով դանչեց. ո՞նչ սովորութիւն է եղել անմի՛տք, ապա-կանել մարդու երեսը. բաւական չէր որ առաջի անդամ կարձացրաք մօրուքս, այժմ

Էլ կտրեցիք կէսը. ի՞նչպէս երևիմ այսուհետեւ եղբայրակիցներուս աչքին : „Եւ առնելով պահած մարդարիտով պարկը, տարաւ հետը առանց մի խօսք ասելու, և անհետացաւ խսկոյն քարի քամակումը:

Ան քանի ժամանակ անցնելուց յետոյ, մայրը ուղարկեց իր աղջիկները քաղաք դերձան, ասեղ և ժապաւէն գնելու համար: Նոցա հարկաւոր էր անցնել ապառաժուտ դաշտավայրից, ուր մի մեծ թռչուն բաւական ժամանակ թռչուալով օդի մէջ, կամաց կամաց ցած իջաւ և յանկարծ յարձակուեցաւ հողի վրայ: Այդ ըստէին լսուեցաւ սուր և աղիողորմ ձայն: Նոքա վաղեցին ու մեծ երկիւղով տեսան մի արծիւ, որ բռնել էր ճանկերի մէջ նոցա հին բարեկամ թղուկը և կամենումէր երկինք բարձրացնել: Երեխայքը իրանց բարեհոգի բնաւորութեամբ, կարողացածներին չափ քարշեցին թղուկը և այնպէս լաւ պատերազմեցան արծուի հետ, որ նա ստիպուեցաւ թողնել իր աւարը ու փախչել. բայց երբ թղուկի վախը փոքր ինչ ցրուեցաւ, նա աղաղակեց իր խոսպոտ ձայնով. „Զէ՞իք կարող աւելի քադաքավարի լինել դուք ինձ հետ, այնպէս քաշեցիք խեղճ շորիցս, որ այժմ պատառ

պատառ եղաւ, յիմար աւանակնե՛ր: « Յետոյ,
առնելով իր թանկագին քարերով լցրած
պարկը, դնաց մտաւ իր ծակը ժայռերի
մէջ : Փոքրիկները սովորելով նրա ազերախ-
տութեան, ընկան ձանապարհ և գնացին
քաղաք իրանց գնելիքները վերջացնելու
համար:

« Եոյն տեղով վերադառնալու ժամանակ,
վրայ հասան թզուկին, որ դատարկել էր իր
առաջ թանկագին քարերով պարկը, կար-
ծելով որ ոչ ոք կարող չէ անցնել այսպէս
ուշ այնտեղից: Մայր մտնող արեւը փայլեց-
նումէր քարեղլները, որոնք այնպէս զար-
մանալի բոցեր էին արձակում, որ փոք-
րիկները անշարժ մնացին նայելով նրանց
վրայ: Այնու բերանաբաց կանգնել է.ք այդ-
տեղ, « ասաց նոցա թզուկը, և նրա սովոր-
ական թուխ երեսը միանգամայն կարմրե-
ցաւ բարկութիւնից: Նա յիշոցները շարու-
նակելու վրայ էր, մինէլ տեսնես լսուե-
ցաւ մի սարսափելի մռմռոց և մի սե արջ
դուրս եկաւ անտառից: Թզուկը լեղապա-
տառ ուզեց փախչել, բայց ժամանակ չու-
նեցաւ հասնելու իր ծակը. արջը կտրեց
նրա ձանապարհը: Այդ միջոցին թզուկը
սկսաւ աշազակել յուսահատ ձայնով. ու Աի-



ըելի տէր արջ, խնայիր ինձ, ես քեզ կը-
տամ բոլոր իմ գանձը, այս զարդերը, որ
դու տեսնումես առջեղ, սկարպեիր միայն
ինձ կեանք. Բնչ օդուտ քեզ ինձ պէս թը-
զուկին մեռյնելուց, դու ինձ քո ատամնե-
րի տակ չես զգալ անդամ։ Ա՛ռ, լաւ է,
այս երկու անհիծած փոքր աղջիկները, որ
երկու լաւ սկատառներ են լորամարդի պէս
սկարարտ. կուլ տուր նոցա ի սէր Աստու-
ծոյ։ Բայց արջը չըլսելով նրան, այնպէս
սաստիկ հարուած տուաւ իր թաթով այս
չարասիրտ արարածին, որ նա նոյն ըոսկէին
փովեցաւ անկենդան գետնի վրայ։

Փոքրիկները ահուդողի մէջ էին ընկել,
բայց արջը գանչեց, ոՍպիտակ Զիւն, կար-
միր Վարդ, մի՛ վախէք, սպասէ՛ք ինձ։

‘Եռքա կանգնեցան ճանաչելով նրա ձայ-
նը. և երբ նա նոցա մօտեցաւ, վրայի ար-
ջենին յանկարծ ցած ընկաւ և տեսան նոքա
մի սիրուն երիտասարդ ոսկի շոր հաղած։
ոԵս արքայորդի եմ,՝ ասաց նոցա, այս
անպիտան թզուկը ինձ, բոլոր գանձս գո-
ղանալով, արջի փոխեց և դատապարտեց
այս կերպարանքով շրջմոլիկ կեանքի, այն-
պէս, որ կարող էի փրկվել միայն նրա
մահով, այժմ նա ստացաւ վորձատրու-

թիւն իր չարագործութեան համար: Ապիտակ Զիւնը ամուսնացաւ արքայորդու, և կարմիր վարդը նրա եղբօր հետ: Նոքա բաժանեցին իրանց մէջ մեծ գանձը, որ թըզուկը հաւաքել էր իր ծակումը: Պառաւմայրը ապրեցաւ էլ շատ տարիներ հանդիստու երջանիկ իր զաւակաց մօտ. նա առաւդրաւ սպատուհանի վրայ երկու վարդենիները, որոնք բերումէին ամեն ամառ գեղեցիկ վարդեր, սպիտակ և կարմիր:

3

ՊՐԵՄ ՔԸՆԸՔԻ ԵՐԱՔԻՇՔԻ.

Այս մարդ ունէր մի էշ, որ ծառայումէր նրան մեծ հաւատարմութեամբ շատ տարիներ. բայց ուժից այնքան ընկած էր, որ օր ըստ օրէ անընդունակ էր լինում աշխատութեան: Իշապանը մտադիր էր մորթելու կաշին հանել: Կենդանին հասկանալով քամին որ կողմից էր փչում, առաւ գլուխը ու ընկաւ ճանապարհ դէպի Պրեմ: Դ Այն տեղ, ասումէր նա ինքնիրեն, ես կարող

Եմ լինել քաղաքական երաժիշտ։^Ա Ճանապարհին պատահեցաւ մի որսաշուն, որ կաղկանձումէր, ասես թէ յոգնած լինէր շատ վաղելուց։ ՞Ինչու համար այդպէս կաղկանձումես, բարեկամ, հարցրեց էշը։

— Ո՛՛Տ, պատասխանեց շունը, այնոր համար որ ես ծեր եմ, օրէ-օր թուլանումեմ և չեմ կարող որսի ելանել. պարոնս դրա համար ուղումէր ինձ սատկեցնել. իմանալով նրա դիտաւորութիւնը, առի գլուխս ու փախայ դաշտ. բայց ինչպէս մի կտոր հաց ճարեմ ու գլուխս պահեմ։^Ա

— Լաւ, ասաց էշը, ես գնումեմ Պրեմ քաղաքական երաժիշտ լինելու, եկ իմ հետ երաժիշտ եղի՛ր, ես կ'փչեմ զուռնան, իսկ դու կ'զարնես ծնծղան։^Ա

Հունը ընդունեց հրաւերը ու գնաց նրա հետ միասին. փոքր ինչ հեռու, նոքա տեսան մի տիսուր երեսով կատու, որ քուն էր լինում. ՞Ինչու այդպէս տիսուր պառկած ես, ոլորակ ընչացք,՝^Ա ասաց էշը։

՞Ուրախ չես լինիր, եթէ գլխիդ ողջութեան մասին երկիւղ ես կրում,՝^Ա պատասխանեց կատուն, որովհետեւ տարիներս անցած ու ատամներս բժացած լինելուն պատճառաւ, ես աւելի լաւ էի համարում

աղնկատը դիմացս մնալ կրակարանի յետեւը, քան թէ մուկ բռնել, տիրուհիս կամեցաւ ինձ ջուրը ձգել, ես դէպ ժամով աղատվեցայ, բայց այժմ ի՞նչ անեմ և ուրերժամ։^Ա

— Վշի մեղ հետ Պրեմ, դու լաւ գիտես գիշերային երաժշտութիւն, այն տեղ կ' լինես մեղ նման քաղաքական երաժիշտ։—

Կատուին սրտովը լինելով այս առաջարկութիւնը, գնաց նոցա հետ։ Մեր թափառականքը շուտով եկան մի դաւթի առաջ, որի դարպասի վրայ մի աքաղաղ նստած կոկորդն էր ճեղքում։ «Գու մեր ականջներն ես խլացնում», ^Ա ասաց էշը. ոինչու համար այդպէս աղաղակումես։^Ա

— Երշալուսի բացուելը իմաց եմ տալիս, ասաց աքաղաղը, ալատճառ որ, այսօր Աստուածամայրը լուացել է և այսօր ալիսի չորացնէ Յիսուս մանուկի շապիկները. իսկ էզուց որովհետեւ կիւրակի է, տիկինս չափաղանց անդութ է դէպի իմ անձը. նա ասաց խոհարարին որ այս դիշեր մօրթէ ինձ և արգանակ եփէ, որպէս զի էզուցուայ ճաշկերութին հիւրերի հետ միասին լափէ ինձ. ահա ինչու համար վերջին ան-

գամ աղաղակումեմ որքան որ զօրութիւնը հասնումէ:”

— Կատ բարի, կարմրակատար, ասաց էշը, եկ շուտով մեզ հետ Պրեմ, քեզ համար որ տեղ էլ որ երթաս, մահից լաւ կը լինի. քո գեղեցիկ ձայնովը մեր երաժշտութիւնը շատ ներդաշնակաւոր կ'լինի:

Եյս հրաւերը հաճոյ եկաւ աքաղաղին, ուստի չորսն էլ միասին ճանապարհ ընկան: Զկարենալով այն օրը Պրեմ հասնել, մտան մի անտառ մտածելով դիշերը այն տեղ անցնել: Էշը ու շունը տեղաւորվեցան մի մեծ ծառի տակ, կատուն ելաւ վրան, իսկ աքաղաղը, համարելով ծառի ծայրը աւելի ապահով իրա համար, թռաւ ու նստաւ վրան. քնելուց առաջ, որովհետև աչքը ձգել էր իր չորս կողմը, տեսաւ մի փոքրիկ լոյս և դառնալով դէպի իր ընկերները, գանչեց. ոԵղբարք, այս տեղից մօտ պէտք է լինի մի տուն, ըստ որում պատուհանից երեւումէ լոյս:” — ոԵթէ ուղիղ է, ասաց էշը, վերկենանք ու շուտով գնանք այն տեղ. այս անիծած պանդոկը շատ անյարմար է պառկելու:” Շունը յաւելցրեց. ոԱրդարեւ չէի հրաժարուիլ եթէ լինէր մի քանի կտոր մտու ոսկոր: Ուղեւորվելով

դէպի այն կողմը, որ տեղից երևումէր լոյսը, նոքա նկատեցին որ այդ լոյսը անդադար մեծանում ու սաստկանումէր, և շուտով վերջապէս հասան մի աւազակի լուսաւորված տան առաջեւ։

Եշը, իբրև ամենից մեծը, մօտեցաւ պատուհանին և նայեցաւ սենեակի մէջ. ԴԻ՞Ն կայ այդ տեղ, ալեոր, հարցրեց նըրան աքաղաղը։^Ա

— Ի՞նչ կայ, սլատասխանեց էշը, մի սեղան վրան ուտելիք խմելիք դարսած և աւազակներով շրջապատած, որոնք ուրախ ուրախ ուտում և խմում են։^Ա

— Անր բերանից հեռու, ասաց աքաղաղը։

— Ի հարկէ, կրկնեց էշը, վաստ չեր լինէր, եթէ լինէինք այն տեղ։^Ա

Կոքա սկսան մտածել թէ ի՞նչպէս գուբս հանեն գողերը։ Վերջապէս վճռեցին. նախ և առաջ կանգնեցաւ էշը, առջևի ոտերը պատուհանի վրայ դնելով, շունը ելաւ էշի կոնակի վրայ, կատուն նստաւ շան վրայ, աքաղաղը թռաւ ու նստաւ կատուի գլխի վրայ։ Աւարտելով այս գործողութիւնը, նոքա նշանացի առնելով սկսեցին միասին իրանց երաժշտութիւնը. էշը սկսաւ զռաւ, շունը հաչել, կատուն մլաւել, աքաղաղը

երգել. յետոյ յանկարծ ապակիները ու շըր-
ջանակները ջարդ ու փշուր անելով ներս
սենեակ թափուեցան:

Գողերը լսելով այդ աղաղակը և հաս-
տառ իմանալով որ անցաւոր մարդ երբէք
պատուհանից դահլիճ չի մտնիր, զարհու-
րած վերկացան ու բոլորեքեան փախան
անտառ : Այս յաղթութիւնից յետոյ, չորս
ընկեր նստան սեղանի առաջ, սեփականե-
ցին ինչ որ մնացել էր և այնպէս կերան որ
կարծես թէ մի ամիս ծոմ էին պահել:
Երբ ընթրիքը վերջացաւ, նոքա անցուցին
ճրագները և որոնեցին հանգստութեան
համար մի մի ապահով տեղ, իւրաքան-
չիւրը իր բնաւորութեան համեմատ : Էշը
սլառկեցաւ աղքի վրայ, շունը դրան յե-
տել, կատուն կրակարանի մէջ տաք ա-
ծուխի մօտ, աքաղաղը գերանի վրայ, և
որովհետեւ երկար ճանապարհից յոդնած
էին, իսկոյն քուն մտան : Կէս գիշերից
յետոյ, գողերը նկատեցին հեռուից, որ
տան մէջ լոյսը մարել էր և ամենայն ինչ
խաղաղ էր. նոցա առաջնորդը ասաց. «Մեղ
հարկաւոր չէր այդ օրինակ յաղթուել.» և
հրամայեց ծառաներից մինին գնալ իմա-
նալ թէ ինչ է պատահել տան մէջ : Պատ-

դամաւորը ամենայն ինչ խաղաղութեան մէջ
դտաւ : Մտնելով խոհանոց և կամենալով
ճրագ վառել , առաւ մի լուցկի և , որով-
հետեւ կատուի փայլուն ու կրակոտ աչքերը
երկու վառած ածուխի կ'նմանէին , մօ-
տացրաւ նրա աչքերին վառելու համար .
բայց կատուն , որ չէր սիրում այդ տեսակ
կատակներ , թուաւ նրա երեսի վրայ ու ձան-
կութեց մոմուալով : Մարդը սարսափած վա-
զեց դէսի դուռը փախչելու , բայց դրան
առաջ պառկած շունը յարձակվեցաւ վրան
ու խածաւ ոտքից , և որովհետեւ անցնումէր
դաւթի աղբի մօտով , էշը իր քամակի ո-
տերով տուաւ սաստիկ քացի , մինչդեռ ա-
քաղաղը , զարթելով այս շփոթներից և ար-
դէն տակաւին կայտառ , դանչեց գերանի
վրայից ո կունիւնվէր : « Պատկամաւորը բո-
լոր ոյժը ոտերին տալով , եկաւ դողերի
մօտ և ասաց . » Ա տան մէջ կայ մի սար-
սափելի կախարդ , որ փչեց վրաս և ձան-
կեց երեսս իր երկայն մատերով . դրան ա-
ռաջ կանգնած է մի պահապան սուրը ձեռ-
քին , որով կտրեց ոտս . դաւթում ման է
դալիս մի վիշապ , որ մի ահագին լախտով
խփեց մէջքիս , իսկ կտուրի վրայ նստած է
դատաւոր , որ դանչեց . « Բերէք իմ մօտ

այդ գողը, և ահա այսպէս յետես չնայած
փախայ :

Եյն օրից սկսած, գողերը էլ չեն հա-
մարձակվում այն տունը մտնել, ուր Պրեմի
չորս երաժիշտքը այնպէս երջանիկ կեանք
էին վայելում, որ այնուհետև երբէք չեն
ուզում թողնել:

4

ԱՐՁԻ ՄՈԲԹԻ ՀՍԴՅԱՆ ՄԱՐԴԻ.

Ո՞ի երիտասարդ մտել էր զօրք, որի մէջ
շատ քաջ էր բռնում իրան, գնդակների
դէմ միշտ առաջինը ելանելով : Պատերազմի
ժամանակ նա միշտ բաղդաւոր էր, բայց երբ
հաշտութիւն արին, զօրապետը տուաւ նը-
րան արձակուրդը և հրամայեց գնալ ուր
որ կամենումէ : Որովհետև նրա ծնողքը
մեռած էին, բնակարան էլ չունէր, ուստի
խնդրեց իր եղբայրներից տեղ տալ իրան
մինչեւ պատերազմի սկիզբը : Բայց նոքա
կոշտ սիրտ ունենալով, պատասխանեցին որ
ոչինչ չեն կարող անել նրա համար, այն

պատճառաւ որ նա ոչ մի բանի ընդունակ
չէ և եթէ պարտաւոր է մի կերպով իր գը-
լուխը ինքը պահել։ Խեղձ զինուորը բացի
ատրճանակից ուրիշ բան չուներ, դնելով
նրան ուսերի վրայ, գնաց ուր որ աչքերը
նայումէին։ Մտնելով մի գաշտ, ուր բացի
շրջապատ ծառերից ուրիշ բան չէր երե-
ւում, նստաւ մի ծառի ստուերի տակ, տըլ-
րութեամբ մտածելով իր վիճակի վրայ։ ԿԵՍ
փող չունիմ, երբէք չեմ սովորել ուրիշ
տրուեստ բացի պատերազմից, և այժմ հաշ-
տութեան ժամանակ ես մի բանի պէտք չեմ
դալիս։ Բնչ անես, վերջո սովատանջ մեռ-
նել պիտի լինի։”

Այնչ նա այդ մտածմունքի մէջ էր, լսեց
մի ձայն, և բարձրայնելով աչքերը, տեսաւ
իր մօտ մի անծանօթ մարդ կանանչ, բա-
ւականին հարուստ շոր հագած, բայց ա-
հագին սմբակներով։ ԿԵՍ լսւ գիտեմ քեզ
ինչ հարկաւոր է, ասաց անծանօթը, գի-
տեմ որ փողի կարօտութիւն ունիս։ Ես
կ’տամ քեզ որքան որ ուղումես, միայն եթէ
իմանամ որ վախկոտ չես, ըստ որում ես
այնպէսների հետ գործ չեմ ունենում։”

— Օ ինուոր և վախկոտ, պատասխանեց
միւսը, երկու այնպիսի բառեր են, որոնք

երբէք միասին չեն գործածվում։ Դու կարող ես ինձ փորձել։

“**Դէ**, լաւ, ասաց անձանօթը, նայիր քո յետե։”

“**Օ** ինուորականը յետե ը նայած չնայած տեսաւ մի սարստիելի արջ, որ պոռոտալով վազումէր նրա վրայ։ ս՛հ, ո՛հ, բացանչեց նա, ես այս բովէիս քթիդ ծակերը կ'խտողեմ որ ձայնդ կտրես։” և ուղղելով հրաշանը նրա վրայ, զարկեց ցոռկին, և արջը նոյն բովէին անկենդան փռուեցաւ գետնի վրայ։

“**Ո՛է** և տեսնումեմ, ասաց անձանօթը, որ դու քաջասիրտ մարդ ես, բայց պարտական ես կատարել էլուրիշ սպայմաններ։”

— **Ո՛չ** մի բան չէ կարող ինձ բռնել, ասաց դինուորականը, որ շատ լաւ տեսնում էր դիմացի խօսողը ով էր, եթէ միայն մըշտական աբասութիւնս վտանգի մէջ չընկնի։

“**Խնքդ** այդ կ'գատես, ասաց անձանօթը. դու եօթը տարի պարտական ես ոչ լուացուել, ոչ մօրուքդ և ոչ մաղերդ սանդրել, ոչ եղունդներդ կտրել և ոչ աղօթք անել։ Ես քեզ կ'տամ շոր և մի վերարկու որ հագնես բոլոր այդ ժամանակը։ Եթէ դու մեանես այդ միջոցին, իմը կ'լինես, բայց

եթէ դու եօթը տարուց աւելի ասկրես, բու-
լոր կեանքդ կ'լինես աղատ և հարուստ:

Օ ինուորը մոտածեց իր թշուառ դրու-
թեան վրայ. նու, որ քանի անգամ արհա-
մարհել էր մահը, լու կարող էր այս ան-
գամ էլ գլուխը վտանգի մէջ դնել, հա-
մաձայնեցաւ: Աստանան հանեց իր կանանչ
զգեստը և տուաւ նրան ասելով. ո՞ֆանի
որ այս զգեստը վրադ կ'լինի, ամեն անգամ
ձեռքդ գրալան տարածիդ, մի բուռն ուկի
կ'հանես: Յետոյ հանելով արջի մորթին,
յաւելցրեց. ո՞ֆեղ հարկաւոր չէ ունենալ
ուրիշը. այս զգեստի համար քեղ կ'անուա-
նեն Աքչ Մունի: Այս ասելով, սատա-
նան աներեւոյթ եղաւ:

Օ ինուորը հագաւ շորը և տանելով
ձեռքը գրալանին, համոզուեցաւ որ սատա-
նան չէր խարել: Զգեց վրան նոյնպէս արջի
մորթին և ընկաւ ճանապարհ աշխարհ
չափելու, վայելելով եղանակի բարիքները
և չխնայելով մի բան, որ կարող էր գերա-
ցնել մարդուս մարմնը և թեթեացնել
նրա քսակը: Առաջի տարին, դեռ ևս նոս
մարդու նման էր, բայց երկրորդը նա դար-
ձաւ կատարեալ հրէշ: Նրա մաղերը գրե-
թէ ծածկումին բոլոր երեսը, խառն ու

քրքրած մօրուքը թաղկիքի կնման էր և
երեսը այնպէս կեղտոտած էր, որ եթէ ցան
ցանէին, անսլատձառ կ'բանէր : Ամենքը
նրանից վախումէին, բայց որովհետեւ նա
տալիս էր աղքատաց առատ ողորմութիւն,
խնդրելով միայն նոցանից աղօթք անել որ
եօթը տարուայ մէջ չմեռնի, և որովհետեւ
համարվումէր խոնարհ ու բարեսիրտ, ուս-
տի միշտ գտնումէր մի ապաստան :

Չորրորդ տարին նա եկաւ պանդոկ, ուր
պանդոկապետը չկամեցաւ նրա ընդունել և
ախոռում անգամ տեղ տալ, կատկածելով
որ մի՛ գուցէ վախցնէ ձիերը : Բայց Արջի
Մորթին հանելով գրանից բուռն ուկի,
պանդոկապետը համաձայնեցաւ և տուաւ
նրան սենեակ գաւթի անկիւնում այն պայ-
մանով որ երեսը մարդու ցոյց չտայ, որ-
պէս զի պանդոկի պատիւը չկորչի:

Մի երեկոյ Արջի Մորթին նստած իր
սենեակումը մտածումէր թէ շուտով ար-
դեօք եօթը տարին կ'վերջանայ, մինէլ տես-
նես լսեց կից սենեակից մի մարդու լաց.
որովհետեւ շատ բարեսիրտ էր, բացեց գու-
ռը և տեսաւ մի ծերունի, որ գլուխը ձեռքի
մէջ բռնած հառաջումէր, բայց Արջի Մոր-
թին մտնելիս, մարդը կամեցաւ փախչել վեր-

ջապէս նա հանգստացաւ, երբ լսեց մարդու ձայն, որ նրա հետ խօսումէր: Արջի Մորթին բարեկամական խօսքերով կարողացաւ պատմել տալ նրան իր տիսրութեան պատճառը: Նա կորուսել էր բոլոր իր հարստութիւնը և աղջիկների հետ այնպէս աղքատացած էր, որ միանգամայն կարողութիւն չունէր վճարելու իր պարտքերը պանդոկապետին, ինչու համար և ուղումէին նրա բանտ նստացնել: „Եթէ դուք մի ուրիշ հոգացողութիւն չունէք, ասաց նրա Արջի Մորթին, իմ փողը բաւական կ'լինի ձեզ նեղ տեղից հանելու,“ և կանչելով պանդոկապետը իր մօտ, վճարեց պարտքը և տուաւ ևս սյդ դժբաղդներին մի մեծ գումար փող նոցա պիտոյքի համար: Ծերունին, այս օրինակ աղատուած, չէր իմանում ի՞նչպէս յայտնել իր շնորհակալութիւնը: Կ'կ իմ հետ, ասաց նա, իմ աղջիկներս շատ սիրուն են, դու նոցանից մինը կարող ես քեզ համար կին առնել: Նոքա չեն մերժել քեզ, եթէ իմանան ինչ որ դու ինձ համար արիր: Թէ և քո դէմքը փոքր ինչ տարօրինակ է, բայց լաւ կինը կարող է քեզ կարգի բերել:“

Արջի Մորթին համաձայնեցաւ ուղեկից լինել ծերունուն, բայց երբ մեծ աղջիկը

նկատեց նրա սոսկալի երեսը, այնպէս վախեցաւ, որ Ճիչ բարձրացնելով փախաւ. Երկրորդը ոտի վրայ հաստատ կանգնած, զննեց ոտքից մինչև գլուխը և ասաց „Ի՞նչպէս սրա ամուսին լինել, տակաւին մարդկացին կերպարանք չունի, ես գերազանց կ'համարեմ տօնավաճառի այն սափրած արջը մարդու պէս զգեստաւորուած, տապետական մուշտակով և սպիտակ ձեռնոցներով: Գո՞նէ նա միայն տգեղ էր, կարելի էր նրան ընդելանալ:

Հայց բոլորից կրտսերը ասաց. սՄիթելի հայր, կարծեմ դա մի բարեսիրտ մարդ պէտք է լինի, որովհետեւ նա մեզ օգնեց, դուք նրա խոստացել էք մի կին, հարկաւոր է խօսքից յետ չկենալ:^Ա Տարաբաղդաբար Արջի Մորթու երեսը ծածկուած էր մաղերով և կեղտով, եթէ ոչ կարելի էր տեսնել նրա ուրախութիւնը որ փայլեցաւ երեսին վրաց այդ խօսքերը լսելիս: Նա հանեց իր մատից մի մատանի և, կէտուակէս կոտրելով, տուաւ մի կէսը իր հարսին և պատուիրեց լաւ պահել, իսկ միւս կէսը իրան առաւ: Այն կէսի վրայ որ տուել էր աղջկան, գրեց իր անունը, և միւսի, որ տուել էր իրան համար, գրեց հարսնացուի

անունը : Յետոյ հրաժարական ողջոյն տալով նրան , ասաց . ո՞Ես քեզանից բաժանը - վումեմ երեք տարուայ , եթէ վերադառնամ այդ միջոցին , կ'պսակվենք , իսկ եթէ ոչ , կ'նշանակէ որ մեռած եմ և դու կ'լինես ազատ : Խնդրիր Աստուծուց , որ նա պաշտպանէ իմ կեանքը : “

Խեղձիկ հարսնացուն հագաւ սև շոր , ե- արտասունքը թափավումէին նրա աչքերից , երբ նա մտածումէր իր ամուսնու վրայ : Քոյրերը անխղճաբար ծիծաղումէին վրան : ո՞Զգոյշ եղիր , ասումէր մեծը , որ երբ ձեռքդ տաս նրան , իր թաթերովը կաշին չի հանէ : “

— Վստա՛՛ եղիր , յաւելացնումէր երկ- րորդը . արջերը սիրումեն քաղցրութիւն , երբ նրա դուր գաս , անպատճառ հում հում կուլ կ'տայ քեզ : Դու պէտք է միշտ գլուխդ ծռես , ապա թէ ոչ զգոյշ եղիր նրա մումոսցից :

ո՞Բայց , շարունակումէր երկրորդը , հար- սանիքի օրը ուրախ կ'լինի , արջերը աննման սլար են գալիս : “

Խեղձիկ հարսնացուն ամենենին չէր բար- կանում այս վերաւորական խօսքերի վրայ : Իսկ Աքջի Մորթին թափառումէր ու թա- փառում բարեգործութիւն անելով , որքան

որ կարողանումք , առասորէն վող բաժանելով աղքատաց , որ նոքա աղօթք անեն նրա համար :

Ա երջապէս երբ եօթը տարուայ վերջին օրը եկաւ , նա վերադարձաւ դաշտ ու նրա տաւ շրջապատ ծառերի մէջ : Մի մեծ քամի բարձրացաւ , շուտով սատանան խոժոռ դէմքով երևան եկաւ և ձգելով զինուորի առաջ հին շորը , պահանջեց իր կանանչ զգեստը : Դկաց , ասաց Արջի Մորթին , առաջ պարտաւոր ես ինձ մաքրել : Աստանան ստիպուեցաւ ակամայ գնալ ջուր բերել , լուանալ Արջի Մորթին , սանդրել նրա մազերը և կտրել նրա եղունգները : Մարդը կրկին ստացաւ քաջ զինուորի կերպարանք և եղաւ աւելի սիրուն , քան թէ առաջ էր :

Երջի Մորթին թեթևութիւն զգաց , աղատվելով այդ մեծ բեռնից , երբ Աստանան այլ նեղութիւն չտուած հեռացաւ : Նա վերադարձաւ քաղաք , հագաւ մի գեղեցիկ թաւիշեայ զգեստ և նատելով չորս ձի լոծած կառք , հրամայեց քշել հարսնացուի տունը : Ոչ ոք չճանաչեց նրան : Հայրը համարելով երևելի զօրապետ , տարաւ նրա իր տղիկանց մօտ : Երկու մեծ քոյրերը

նստացրին նրա իրանց մէջ տեղը և պաշտելով հոյակատ կերակուր, յայտնեցին միաբերան, որ երբէք չէին տեսած նրա նման սիրուն ասպետ։ Իսկ նրա սեւազգեստ հարսնացուն լուռ ու վիզը ճուկ նստած էր դէմ ուղէմ։ Վերջապէս հայրը հարցրեց թէ կամենումէ արդեօք ամուսնանալ իր աղջկանց մինի հետ։ Երկու մեծերը վազեցին իրանց սենեակը զարդարուելու համար, սլատձառ որ ամեն մէկը նոցանից համարումէր իրան գերազաս գեղեցկութեամբ։

Ընծանօթը մնալով մենակ իր հարսնացուի հետ, առաւ գրանից մատանու կէսը, ձգեց գինով բաժակի մէջ և առաջարկեց նրան։ Երբ նա խմեց և տեսաւ բաժակի մէջ այդ կտորը, որ կախած էր իր վզից, մօտացրաւ առաջինին և երկուսն էլ կպան մէկ մէկու։ Այս բանից յետոյ նա ասաց աղջկան ո՞նս քո ցանկալի ամուսինն եմ, որ դու տեսել էիր արջի մորթով։ Հիմի, Աստուծոյ ողորմութեամբ, ես ստացայ իմ մարդկային կերպարանքը և մաքրուեցայ կեղտերից։[“] Եւ գրկախառնելով նրան սկսաւ համբուրել երեսից։ Նոյն իսկ բոպէին երկու քոյրը զարդարված մտան սենեակ, բայց երբ նոքա տեսան, որ այդ սիրուն մարդը,

որ երբեմն արջի մորթի էր հադած, սկառ-
կանումէ փոքր քրոջ, փախան մեծ տհաճու-
թեամբ և կատաղութեամբ։ Առաջինը գնաց
մի ջրհորի մէջ խեղդուեցաւ, իսկ երկրորդը
կախուեցաւ ծառից։

Երեկոյեան դուռը բաղսեցին, փեսան
բանալով դուռը, տեսաւ կանանչաղգեստ
սատանան որ ասաց. ոթէ և ես կորուսի քո
հոգին, բայց նրա տեղ ստացայ ուրիշ եր-
կուսը։^Ա

5

ՀՍԻՍՏԾԻՄ ՅՈՎՀԵՆՆԻՍԼ.

Ժամանակով կար մի ծեր թագաւոր։
Սա մի օր հիւանդացաւ և զգալով որ շատ
չէր մնացել այս աշխարհից միւսը անցնե-
լու, կանչեց իր հաւատարիմ Յովհաննէս
ծառան։ Այս Յովհաննէսը թագաւորի սի-
րելի ծառան էր, և կոչուած էր հաւատա-
րիմ այնոր համար, որ բոլոր իր կեանքը
հաւատով ու արդարութեամբ ծառայել էր
իր տիրոջ։ Երբ Յովհաննէսը եկաւ, թա-

դաւորը ասաց. ոիմ հաւատարիմ ՅովՀաննէս, զգումեմ որ մահս մօտանումէ, բայց իմ միակ հոգացողութիւնս այժմ որդիս է, որ դեռ ևս շատ զեռահաս ու անփորձ երիտասարդ է: Խոստացիր ինձ հոգալնրա վրայ, սովորեցնել ինչ որ հարկաւոր է և լինելնրան երկրորդ հայր, այն ժամանակ ես հանգիստ կըմեռնեմ:

— Ես չեմ թողնելնրան, պատասխանեց ՅովՀաննէսը, կ'ծառայեմ հաւատով ու արդարութեամբ, կեանքս էլ չեմ խնայել:

» Եյժմ ես կ'մեռնեմ հանգիստ, ասաց ծերունին: Իմ մահից յետոյ, կըցոյց տաս նրան բոլոր պալատը, սենեակները, վերնատունը, մառանները իրանց բոլոր դանձերով, միայն վերջին սենեակը, որ մեծ պատշգամբի ծայրումն է, ցոյց մի՛ տուր: Այն տեղ պահվումէ Ուշից մէկնել դշտոյի պատկերը: Երբ նա կ'նայի այդ պատկերի վրայ, այնպէս կ'սիրահարվի, որ իսկոյն անդգայ կ'ընկնի այն տեղ, իսկ վերջերում իր անձը անբաղդութեան մէջ կըձգէ նրա պատճառով: Աշխատիր զգուշացնել այդ ձախորդութիւնից:

Հաւատարիմ ՅովՀաննէսը էլ մի անգամ կրկնեց իր խոստմունքը և այնուհետև

թագաւորը հանգստացած խոնարհեց դլու-
խը բարձի վրայ ու փչեց հոգին:

Երբ թաղեցին ծերունի թագաւորը,
Յովհաննէսը ասաց նրա յաջորդին. «Ես
խոստացայ հօրդ ծառայել քեզ հաւատով
և արդարութեամբ, կեանքս էլ չխնայել:
Ես կ'պահեմ խօսքս և կ'լինեմ քեզ էլ հա-
ւատարիմ, ինչպէս էի հանգուցեալ հօրդ:»

Ողբաց արքայորդին, տրտմեցաւ հան-
գուցեալի վրայ և վերջապէս սփոփեցաւ :

«Եյժմ ժամանակ է քեզ տեսնելու քո ժա-
ռանդութիւնը, ասաց Յովհաննէսը. ես քեզ
ցոյց կլտամ հօրդ ամբողջ պալատը:» «Եա
մանածաւ պալատի բոլոր սենեակները,
ցոյց տուաւ բոլոր գանձերը, բոլոր շքե-
ղաղարդ դահլիճները, միայն մի դուռն, որ
տանումէր վերջին սենեակը, չկամեցաւ բա-
նալ: Այդ սենեակի մէջ պահվումէր դըշ-
խոյի վտանգաւոր պատկերը: Այդ պատ-
կերը այնպէս դրուած էր, որ դուռը բա-
ցուածին պէս, ուղղակի աչքի առաջ էր
գալիս, և այնպէս կենդանի նկարուած էր,
որ միայն լեզու չունէր որ խօսէր: Արքայ-
որդին նկատելով որ Յովհաննէսը մի դուռը
փակ թողեց, հարցրեց թէ ինչու համար
նա չէր բաց անում այդ դուռը: — «Այդ

սենեակի մէջ կայ մի բան, պատասխանեց Յովշաննէսը, որից դու կարող ես վախենալ:“

— Ես շրջեցի բոլոր պալատը, ասաց արքայորդին, անշուշտ և փափագում եմ տեսնել ի՞նչ կայ դրա մէջն էլ և կամենումէր զօրութեամբ բանալ դուռը: Բայց հաւատարիմ ծառան բռնելով ասաց. “Ես խոստացայ քո հօր չըերել քեզ այս սենեակը և ցոյց չտալ մէջի պահուած բանը, ըստ որում հետևանքը կարող է երկուսիս համար էլ վտանգաւոր լինել:

“Անձ վտանգ և ձախորդութիւն կը լինի, պատասխանեց արքայորդին, եթէ կամքս չկատարուի: Գիշեր ցերեկ ես կը տանջվիմ մինչև չտեսնեմ ինչ որ դու ինձանից ծածկումես: Ես ամեննին չեմ հեռանալ այս տեղից մինչև որ դուռը չբանաս...:“

Հաւատարիմ Յովշաննէսը տեսաւ որ ուրիշ հնար չկայ, և խոր հառաջելով հանեց նա աղետալի բանալին, բացեց դուռը ու ինքը առաջից գնաց, աշխատելով ինչ-պէս և իցէ ծածկել դշխոյի պատկերը, բայց իպսւր. արքայորդին բարձրացաւ ոտի մատերի վրայ և տեսաւ Յովշաննէսի քամա-

կից դշխոյի պատկերը : Բայց տեսած չտեսած այդ սիրուն, ուսկեզարդ աղջկայ պատկերը, յուշաթափ ընկաւ յատակի վրայ : Հաւատարիմ ծառան բարձրացրեց և տարաւ պառկեցրաւ անկողնի վրայ : ԱՅՆ քեզ, վորձանքը արդէն պատահեցաւ, Տէ՛ր Աստուած, ի՞նչ անեմ“, և կաղղուրելու համար տուաւ նրա վոքը ինչ գինի խմել :

Թագաւորի յուշաբերվելիս առաջի խօսքը եղաւ հարցնել թէ որին էր այդ գեղեցիկ պատկերը :

— Դա Ոսկեգմբեթի դշխոյինն է, պատասխանեց հաւատարիմ Յովհաննէսը :

ԴԻՄ սէրը դէսկի նա այնպէս մեծ է, շարունակեց թագաւորը, որ եթէ ծառերի բոլոր տերեւները լեզուներ լինէին, դարձեալ չէին կարող բացայայտել նրան : Այս օրից ես պէտք է աշխատեմ նրան ձեռք բերել : Դու կ'օգնես ինձ, եթէ հաւատարիմ ծառայ ես :“

Հաւատարիմ Յովհաննէսը երկար մտածեց թէ ի՞նչ պատշաճաւոր կերպով ձեռք զարնէ այս բանին, որովհետեւ անձամբ դշխոյի աչքին ներկայանալ դժուար էր : Վերջապէս նա գտաւ մի հնար և ասաց թագաւորին. ԴԻՄ որ շրջապատումէ դշխոյին,

ոսկուց է, աթոռները, ոկուտեղները, անօթները, բաժակները և ամեն տեսակ կարասիքը: Քո դանձարանում կայ հինգ տակառ ոսկի. մինը հարկաւոր է տալ ոսկերչաց, որ նոքա շինեն տեսակ տեսակ ոսկէ ամաններ, բաժակներ, թուղուններ, դաղաններ, հազար ու մի ձեռվ ճիւաղներ, և այլն: Այս բոլորը շատ հաճոյ կ'գայ գըշխոյին: Մենք Ճանապարհ կ'ընկնենք այդ տարանկով և կ'աշխատենք յաջողութեամբ վերջացնել:”

Յագաւորը կանչեց տէրութեան բոլոր ոսկերիչները, որոնք աշխատեցան գիշեր ու ցերեկ մինչև որ ամեն բան պատրաստ եղաւ: Երբ որ նաւը բեռնաւորեցին, հաւատարիմ Յովհաննէսը հագաւ վաճառականի շոր. նոյնը արաւ թագաւորը, որ ոչ ոք չճանաչէ նրան: Յետոյ պարզեցին առագատը ու նաւեցին մինչև այն քաղաքը, ուր բնակվումէր Ոսկէդմբէթի գշխոյն:

Հաւատարիմ Յովհաննէսը միայնակ ցամաք ելաւ, թողնելով թագաւորը նաւի մէջ:
— Կարելի է, ասաց նա նրան, դշխոյն կըքերեմ այս տեղ, աշխատի՛ր որ անկարգութիւն չըլինի, ոսկէ ամանները դարսած լինին և նաւը շքեղ զարդարուած:

Այս ասելով լցրաւ իր գօտին անհամար ոսկէ զարդերով և գնաց ուղիղ թաղաւորի պալատը : Գաւիթը մտնելով տեսաւ մի մատաղահաս աղջիկ, որ ոսկէ դոյլով աղջիւրից ջուր էր հանում : Աղջիկը տուն դառնալու ժամանակ նկատեց անծանօթը և հարցրեց թէ ով էր նա : ոԵս վաճառական եմ, պատասխանեց նա, և հանելով գօտին ցոյց տուաւ իր ապրանքը :

— Ի՞նչ գեղեցիկ բաներ են, բացագանչեց աղջիկը, և դնելով դոյլը գետնի վրայ, սկսաւ բոլոր զարդերը առանձին առանձին զննել — : Թող, ասաց նա, դշխոյս տեսնէ այս բաները . նա շատ սիրումէ ոսկէ զարդեր և անսպատճառ ձեզանից կըդնէ, և, բռնելով վաճառականի ձեռքից, առաւ տարաւ պալատ, ըստ որում ինքը պալատական աղախին էր :

Սակայն հաւատարիմ Յովհաննէսը պատասխանեց. ոԵս մի հարուստ վաճառականի ծառայ եմ, ինչ որ տեսնումէք այս տեղ, համեմատելով տիրոջս նաւի մէջ եղածներին, գրեթէ ոչինչ են . այն տեղ դուք կ'տեսնէք շատ գեղեցիկ և հիանալի բաներ : Դշխոյն կամենումէք բերել տալ այս բաները, բայց ծառան ասաց. ոԽիստ շատ է,

Հարկաւոր է ժամանակ և տեղ, ձեր պալատը փոքր է:^Ա

Դշխոյի հետաքրքրութիւնը աւելի շարժեցաւ և վերջապէս բացադանչեց. ո՞Գէ՛, ուրեմն առաջնորդիր ինձ մինչև այդ նաւը. ես ինքս կ'գտմ տեսնել քո տիրոջ գանձերը:

Հաւատարիմ Յովհաննէսը ուրախ ուրախ տարաւ նրա նաւ և թագաւորը տեսած պատկերից աւելի հաւանեցաւ. սիրութ ուրախութիւնից բազլումէր: Երբ որ դշխոյն եկաւ ծովափը, թագաւորը առաջարկեց նրան իր ձեռքը, մինչ դեռ հաւատարիմ Յովհաննէսը, որ մնացել էր յետել, հրամայեց նաւապետին իսկոյն խարիսխը բարձրացնել և բոլոր առադաստները պարզելով փախչել: Թագաւորը իջաւ նրա հետ նաւի ներքին սենեակը և սկսացոյց տալ հետ զհետէ սեղանի բոլոր ըսպասքը — ամաններ, բաժակներ, թռչուններ, վայրենի գաղաններ և ճիւաղներ: Շատ ժամեր անցան, մինչև որ Դշխոյն բոլոր բաները աչքէ անցուց, և սսստիկ զբաղած լինելով, չնկատեց նաւի գնալը: Երբ աւարտեց, շնորհակալ եղաւ կարծեցեալ վաճառականից և կամեցաւ վերադառնալ իր պալատը, բայց հասնելով տախտակամածի

մօտ, նկատեց որ լայնատարած ծովի վրայ էր, շատ հեռու ցամաք հողից և նաւը ուռած առագաստներով արագապէս առաջ էր գնում։ Պատաճանութիւն, բացադանչեց յուսահատարար, ինձ տանումնն . վաճառականի ձեռք ընկնել, հազարապատիկ լու է մեռնել։^Ա

Սակայն թագաւորը առնելով ձեռքը, ասաց ո՞նչ վաճառական չեմ, այլ թագաւոր, ձեզ նման լսու ընտանիքից։ Եթէ ես ձեզ յափշտուկեցի խորամանկութեամբ, վերագրեցէք այդ միայն սիրոյս սաստկութեան։ Իմ սերս այնպէս զօրեղ է որ, երբ առաջի անգամ տեսայ ձեր պատկերը, յուշաթափ գետին ընկայ։^Ա

Եյս խօսքերը մխիթարեցին ու կակղեցրին դշխոյի սիրտը, ուստի և համաձայնեցաւ ամուսնանալ նրա հետ։

Վինչ նոքա նաւումին լայնածաւալ ծովի վրայ, հաւատարիմ Յովհաննէսը, նըստած նաւի յառաջակողմը, տեսաւ օդի մէջ երեք ագռաւ, որոնք ուղիղ եկան նստան նրա առաջ։ Նա ականջ դրաւ նոյա խօսակցութեան, սկատճառ որ հասկանումէր նոցա լիդուն։

» Հը , ասումեր առաջինը , նա տանումէ
Ոոլէգմբեթի դշխոյն : «

— Եյ՛ , պատասխանեց երկրորդը , սա-
կայն նա դեռ ևս բռնուած չէ :

» Ի՞նչպէս , ասաց երրորդը , նա նստած
է նրա մօտ : «

— Եյդ ոչինչ է , ասաց առաջինը , երբ
նոքա ցամաք ելնեն , թագաւորին կ'ըերեն
հեծնելու մի խարտեաշ ձի . բայց երբ նա
կ'նստի վրան , կ'ուղանայ նրա հետ երկինք և
այնուհետև գնալ ու դտի՛ր նրա :

» Բայց , ասաց երրորդը , միթէ ոչ մի
հնար չկայ : «

— Միայն մի հնար կայ , ասաց առաջի-
նը , հարկաւոր է որ մի ուրիշ մարդ յար-
ձակուի ձիու վրայ և սպանէ ատրճանակով :
Այս կերպով կարելի է ազատել թագաւորը :
Բայց ովհեւ կարող է իմանալ այս . մանաւանդ
ովհեւ իմանայ ու ասէ , իսկոյն ոտից մին-
չև ծունկը քար կ'դառնայ :

Երկրորդ ագռաւը ասաց իր կարգին .
»Ես մի ուրիշ բան էլ գիտեմ . դիցուք թէ
ձին սպանած լինի , դարձեալ երիտասարդ
թագաւորը չէ կարող ձեռք ձգել իր հարո-
նացուն : Երբ նոքա միասին կ'մտնեն պա-
լատ , նոցա դիմաց կ'ըերեն սկուտեղի վրայ

մի փառաւոր Հարսանիքի շապիկ, առ երեսու ոսկով ու արծաթով հիւսած, որ իսկապէս ուրիշ բան չէ, բայց եթէ ձիւթ ու ծծումբ, և թագաւորը հաղած չի հաղած կայրուի մինչև ուղեղը:

— Ա՞թէ ոչ մի հնար չկայ, ասաց երրորդը:

“Կայ մի հնար, պատասխանեց երկրորդը: Հարկաւոր է որ մի մարդ ձեռնոց հաղած առնէ շապիկը ու կրակը ձգէ: Երբ շապիկը այրվի, թագաւորն էլ կազատվի: Բայց ի՞նչ օգուտ դրանից: Ով որ կ'իմանայ և կ'ասէ, ծունկից մինչև սիրտը քար կըդառնայ:”

Երրորդ ագուաւը յաւելացրեց. “Ես մի բան էլ գիտեմ. դիցուք թէ շապիկը այրուի, երիտասարդ թագաւորը դարձեալ յաջողութիւն չի ունենալ: Հարսանիքի պարահանդէսին մատաղահաս թագուհին անտարակոյս սկար կ'գայ, յանկարծնա յուշաթափ և մեռածի պէս ցած կ'լնկնի. և իսկոյն նոյն ըուլէին կ'մեռնի, եթէ մինը չբարձրացնէ և չծծէ աջ ուսից երեք կաթ արիւն, որ կ'ցայտէ անմիջապէս: Բայց ով այս բանը իմանայ և ասէ, դլսից մինչև ոտը քար կ'գառնայ:”

Այս խօսակցութիւնից յետոյ, ագռաւ-
ները թռան գնացին։ Հաւատարիմ Յովհան-
նէսը, որ բոլորը լսել էր, այս բանից յե-
տոյ շատ տխուր և լուռ մնաց։ Լոել, ան-
բաղդութիւն էր թագաւորին. խօսել, այն
ժամանակ իրեն անբաղդութիւն։ Վերջա-
պէս նա ասաց ինքն իրեն. ո՞Ես կ'ազատեմ
իմ տէրս, թող կեանքիս գինովը լինի։
Երբ նոքա ցամաք հասան, ինչպէս որ ագ-
ռաւները գուշակել էին, այնպէս էլ պատա-
հեցաւ. խկոյն գեղեցիկ խարտեաշ ձի բե-
րին թագաւորին. ո՞վաւ, ասաց նա, ես
կ'հեծնեմ մինչեւ պալատը.⁴ և նա պատ-
րաստուել էր նստել ձիու վրայ, մինէլ տես-
նես հաւատարիմ Յովհաննէսը, անցնելով
նրա գիմացից, յարձակուեցաւ վրան և հա-
նելով հրացանը, նոյն տեղումը սպանեց ձին։
Թագաւորի միւս ծառաները, որոնք ա-
մենեին չէին սիրում Յովհաննէսին, բացա-
գանչեցին թէ խելագար հարկաւոր է լի-
նել այդպիսի գեղեցիկ կենդանին սպանե-
լու համար, որի վրայ թագաւորը պիտի
հեծնէր։ Աակայն թագաւորը ասաց նոցա.
ովաւեցէք, թողէք նրան, նա իմ հաւա-
տարիմն է. անտարակոյս ունի պատճառ
այդպէս ներգործելու։⁵

Կոքա հասան տալատը և առաջի դաշ-
լիճում մի սկուտեղի վրայ դրած էր հարս-
նութեան շապիկը, որ կարծես թէ ոսկով
ու արծաթով էր մանած: Թագաւորը կա-
մենումէր հաղնել, բայց հաւատարիմ Յով-
հաննէսը մղեց նրան և, բռնելով շապիկը
ձեռնոցներով, ձգեց կրակի մէջ ու այրեց:

Միւս ծառաները սկսեցին կրկին հաչե-
լու. ո՞ւ այեցէք մի, ասումէին նոքա, այ-
րումէ թագաւորի հարսնութեան շապիկը:“

Բայց երիտասարդ թագաւորը կրկնեց.
ո՞ւ նա, անտարակոյս, պատճառ ունի այդ ա-
նելու, թող անէ, նա իմ հաւատարիմն է:“

Կատարեցին հարսանիքը: Այն օրը մեծ
պարահանդէս եղաւ և հարսնացուն սկսեց
կաքաւել: Այն ըոպէից հաւատարիմ Յով-
հաննէսը աչքերը նրա վրայից չէր առնում:
Մինէլ տեսնես թագուհին թուլացաւ ու
յուշաթափ ընկաւ դետին: Խսկոյն Յովհան-
նէսը բարձրացրեց նրան ու տարաւ իր սե-
նեակը և այն տեղ պառկեցնելով նրա ան-
կողնի վրայ, ծծեց աջ ուսից երեք կաթիլ
արիւն որ ցայտումէր. նոյն վայրկենին նա
շունչ առաւ և սթափեցաւ. բայց երիտա-
սարդ թագաւորը, որ բոլորը տեսաւ և
ոչինչ չէր հասկանում Յովհաննէսի արածից,

բարկացաւ ի վերջոյ նրա վրայ և նստացրաւ բանտ :

Վիւս օր հաւատարիմ Յովլաննէսը դատապարտեցին մահի և տարան կախաղանի առաջ : Բարձրանալով սանդուղի վրայ, նա ասաց . ոԱմենայն մարդ իր մահից առաջ իրաւունք ունի խօսելու . կարողեմ ես էլ :
ոԵս քեզ տալիս եմ իրաւունք , ասաց թագաւորը :

— Դէ , լաւ , լսիր . ինձ անիրաւաբար դատապարտեցին , մինչև այսօր ես հաւատարիմ մնացի :

Այնուհետեւ նա պատմեց ինչ որ լսել էր նաւի մէջ ազուտների խօսակցութենից , ինչու և պարտաւորվել էր նրա կեանքը աղատելու համար բոլոր այդ բաները անել :
ոՈ՛չ , իմ հաւատարիմ Յովլաննէս , բացագանչեց թագաւորը . ես շնորհումեմ քեզ կեանք . շուտով իջցրէք դրա : Այս վերջի խօսքը ասածին պէս , հաւատարիմ Յովլաննէսը յուշաթափ ընկաւ և քարդարաւ :

Թագաւորը և թագուհին սաստիկ տըրտմեցան այս բանիս վրայ : ոԱւազ , ասումէր թագաւորը , այնքան հաւատարմութիւնը այսպէս վատ վարձատրուեցաւ : Նա հրա-

մայեց բերել արձանը իր ննջարանը և դը-
նել անկողնի մօտ : Ամեն վրան նայածին ար-
տասուելով կրկնումէր . ոԱւաղ , իմ հաւա-
տարիմ Յովհաննէս , ինչու չեմ կարող քեզ
կեանք պարգևել : “ Մի քանի ժամանակից
յետոյ , թագուհին ծնաւ երկուորեակ որ-
դիք , որոնք յաջողապէս մեծացան և եղան
ուրախութիւն իրանց ծնողաց : Մի օր երբ
թագուհին ժամ էր գնացել , երկու որդիքը
խաղումէին սենեակում իրանց հօր հետ :
Նրա աչքերը ընկան արձանի վրայ և չկա-
րենալով արտասունքները բռնել , ասաց .
ոԱւաղ , իմ հաւատարիմ Յովհաննէս , ին-
չու չեմ կարող քեզ կեանք պարգևել : Իսկ
արձանը լեզու առնելով ասաց . ոՊու այդ
կարող ես անել , եթէ յանձն առնես զոհել
այն , որ քեզ ամեն բանից թանգ է : ”

— Ինչ որ ունիմ այս աշխարհում , կը-
զոհեմ քեզ համար , բացագանչեց թագա-
ւորը :

ո **Կ**ատ բարի , ասաց արձանը , ինձ կեն-
դանութիւն պարգևելու համար հարկաւոր
է , որ դու կտրես քո երկու որդւոց գլուխ-
ները և նոցա արիւնով սրբես ինձ : ”

Թագաւորի երեսի դոյնը թռաւ , լսելով
այս սոսկալի պայմանը , բայց մտաբերելով

անձնատութիւնը այդ հաւատարիմ ծառային, որ զրկուել էր իր կեանքից նրա համար, հանեց սուրբ, իր ձեռքով կտրեց որդւոց գլուխները և սրբեց նոցա տրիւնով քարարձանը :

Խակոյն արձանը կենդանացաւ և հաւատարիմ Յովհաննէսը, ժիր և ուրախ, դիմաց ելաւ: Սակայն, ասաց թագաւորին, ո՞Քո մը տերմութիւնը կ'ստանայ իր վարձատրութիւնը : « Եւ առնելով երեխայոց դլուխները, դրեց ուսերի վրայ և իրանց արխոնով քսեց նոցա խոցերը . նոյն ըոսէին կենդանացան և ոկսան թռչկոտել, ասեո թէ ոչինչչէր պատահած: Թագաւորը անասելի ուրախացաւ: Լսելով թագուհու ոտքի ձայնը, հրամայեց Յովհաննէսին և որդւոցը թաքնուիլ մի մեծ պահարանի մէջ: Երբ թագուհին ներս մտաւ, հարցրեց նրան. ո՞Ազօթք արիր եկեղեցում : »

— Այո, պատասխանեց նա, և ես անդադար մտածումէի հաւատարիմ Յովհաննէսի վրայ, որ մեր պատճառով այնպէս անբաղդացաւ :

— Կաղելի՛ կին, մենք կարող ենք նրա կեանք տալ միայն մեր երկու որդւոց կեանքի գնով:

Թխագուհին կապտկեցաւ և սիրով ճըմ-
լեցաւ, սակայն պատասխանեց. „Այդ զոհը
մենք պարտական ենք նրա անձնազոհու-
թեան համար:“

Թխագաւորը զարմանալով, որ ամուսինն
էլ նոյն օրինակ էր մտածում, բացեց պա-
հարանը և դուրս հանեց մէջից հաւատա-
րիմ Յովհաննէսը և իր երկու որդիքը:
„Փա՞ռք Աստուծոյ, յաւելացրեց նա, նա
փրկված է և մեր որդիքն էլ կենդանի են:“
Եւ պատեց թագուհուն ինչ որ անցել էր:
Եւ մինչև վերջը նոքա միասին երջանիկ
ապրեցան:

6

ԵՐԵՔ ԲՍԴԴԾՈՐ ԺԱՌԵՆՔ.

Մե հայր կանչեց իր երեք որդիքը և
սուաւ նոցա—առաջինին մի պաղաղ, երկ-
րորդին մի մանդաղ և երրորդին մի կատու;
ոԵս ծերացել եմ, ասաց նա, մահս էլ մօ-
տացել է քանի որ կենդանի եմ, ուզում
եմ խնամք տանել ձեր ասլագայի վրայ: Ես

փող չունիմ ձեզ թողնելու և այժմ ինչ որ
տալիս եմ ձեզ, անտարակոյս, ձեր աչքին
մի արժողութիւն չունի: Բայց խմացէք որ
նոցա արժողութիւնը ձեր տնօրէնութիւնից
է կախուած: Աշխատեցէք ամեն մէկդ մի
այնպիսի երկիր գտնել, որ տեղ որ ձեր
ունեցածը լսած ու տեսած չլինեն:

Հօր մահից յետոյ, անդրանիկ որդին
ընկաւ ճանապարհ իր ժառանգութիւնով.
բայց ուր չէր երթում, աքաղաղը արդէն
ամենեցուն յայտնի էր. նոքա ամեն քաղաքի
ղանկագատունների վրայ նստած պտոյտ էին
դալիս. գիւղերում անդադար լսվումէր նոցա
ձայնը և ոչ ոքին ղարմանալու բան չէր ա-
քաղաղը, այնպէս որ մեր խեղճը յուսա-
հատվել էր յաջողութեան մասին: Վերջա-
պէս եկաւ մի կղզի, ուր ոչ ոք չէր տեսած
աքաղաղ: Տեղացիք մեծ շփոթութեան մէջ
էին, ժամանակը բաժանել չիմանալուն պատ-
ճառով: Առաւօտն ու երեկոն զանազանում
էին, բայց գիշերը, ովքուն չէր լինում,
չգիտէր որ ժամն էր: Տեսնումէք, ասաց նա
նոցա, այս փայլուն կենդանին, կարմիր թա-
գով և ասպետական կարթաւոր կօշիկնե-
ներով, գիշերը որոշած ժամին երեք ան-
դամ խօսումէ. վերջինը, երբոր արեգակը

ծագում։ Եթէ ցերեկը երգէ, իմացէք որ
եղանակը փոխվելու է։”

Այս խօսակցութիւնը կղզիաբնակներին
շատ հաճոյ թուեցաւ. Հետևեալ գիշերը,
ոչ ոք քուն չեղաւ և ամենեքեան մեծ հե-
տաքրքրութեամբ լսեցին աքաղաղին, որ
հետ դժետէ երկու, չորս ու վեց ժամե-
րուն երգեց։ Նոքա հարցրեցին թէ ծախու-
է արդեօք այդ գեղեցիկ թուչունը և թէ
քանի՞ է արժում։ Այնքան ուկի, որքան
որ մի էշ կարող է տանել, “պատասխանեց-
նա։ Ամենքը միաբերան բացագանչեցին, որ
այդ գումարն աննշան բան է այդ հրաշալի
թուչունի համար, և շտապելով վճարեցին
պահանջած գումարը։

Երբ անդրանիկը հարստացած վերա-
դարձաւ, փոքր եղբարքը սաստիկ զարմա-
ցան։ Երկրորդը վճռեց նոյնպէս գնալ, յու-
սալով որ գուցէ իր մանգաղն էլ մի բանի
կ'ծառայէ։ Սակայն, որ տեղից չէր անցնում,
միշտ տեսնումէր գեղջուկներ իրենի պէս
լաւ մանգաղներով։ Վերջապէս, բարեբաղ-
դաբար, եկաւ մի կղզի, ուր մանգաղ ասած
բանդ ոչ ոք չփխտէր։ Երբ ցորենը հասնում
էր այդ երկրում, նոքա իսկոյն հրացաննե-
րով զարնում ձգումէին խողանը։ Բայց այդ

տեսակ հունձը շատ անկանոն էր. գնդակ-
ները կամ հունձին վրայից էին անցնում
կամ փոխանակ խոզանի կաղնում հասկերին,
ինչու և շատ ցորենահատներ կորչումէին.
թող սյդ, գործողութիւնը լինումէր անա-
սելի որոտմունքով։ Երբ մեր բարեկամը
սկսաւ նոցա առաջ հանդարտ ու շուտ հըն-
ձել ցորենը, ամենքը բերանները բացին և
աչքերը ցցած նայեցան վրան։ Նոքա ուղե-
ցած գնով գնեցին նրանից և տուին այն-
քան ոսկի, որքան որ մի ձի կարող էր տա-
նել։ Երրորդ եղբայրը իր կարգին կամեցաւ
նոյնպէս օգուտ սաանալ կատուից։ Մինչ
նա ցամաք հողի վրայ էր, ոչ մի յաջողու-
թիւն չունեցաւ եղբարց նման. ամեն տեղ
կար կատու և այնքան շատ, որ նոր ծնած-
ներից խումբ խումբ խեղդումէին ջրի
մէջ։ Վերջապէս նա եկաւ մի կղզի ուր
որ, բարեբաղդաբար, կատու չէին տեսած,
բայց դրա հակառակ մուկերը այնպէս առատ
բազմանումէին, որ սեղանների ու նստարան-
ների վրայ տանուտիրոջ առաջ սլար էին
գալի։ Ամբողջ կղզին տանջվումէր այդ պա-
տիժից, ինքը թագաւորը չէր կարող իր պա-
լատի մէջ ազատվել նոցա ձեռքից. բան չէր
մնացել, որ նոքա չկրծէին ու չապականէին։

Բերին կատուն և մի ակնթարթում այնպէս
յստակեց երկու դահլիճը, որ բնակիչքը
խնդրեցին թագաւորին ձեռք բերել տէ-
րութեան համար այդ թանկադին կենդա-
նին: Թագաւորը ծախս չարած գնեց կա-
տուն, տալով այնքան ոսկի, որքան կարող
էր մի էշ տանել. և երբորդ եղբայրը վե-
րադարձաւ հայրենիքը եղբայրներից աւելի
հարստացած:

7

ԳԵՐԵԶՄԱՆ.

Մի հարուստ կալուածատէր մի օր գը-
րան առաջ կանդնած նայումէր իր դաշտերի
ու պարտէզների վրայ: Նրա հովհանքը ծած-
կած էր հունձով և ծառերը պտուղներով:
Համբարները անցած տարիների ցորենով
այնպէս լցուած էին, որ առաստաղի բոլոր
տախտակները ծռուել էին նրանց տակը:
Նրա գոմքը լիք էին պարարտ եղերով,
գէր գէր կովերով, առողջ ու փայլուն ձիե-
րով: Նա մտաւ իր սենեակը և ուղղեց

Հայեացքը արկղի վրայ, որի մէջ պահումէր փողը: Սակայն, որովհետև ընկղմել էր խոր մտածմունքի մէջ իր հարստութեան մասին, ականջին հասաւ մի դաշտնի ձայն, որ ասումէր . ոԱյդ բոլոր ոսկովդ կացուցիր արդեօք բաղդաւոր քեզ շրջապատողներին , մտածեցիր աղքատների թշուառութեան վրայ , բաժանեցիր քո հացը քաղցածների հետ. գոհ էիր քո ունեցածովդ և չէիր ուզում աւելի ունենալ : “

Արա խղճմտանքը պատասխանեց . ոԵս միշտ խստասիրու և անողոքելի եմ եղել , երբէք ոչինչ չեմ արած իմ ծնողաց ու բարեկամաց համար. երբէք չեմ մտածել Աստուծոյ վրայ, այլ միայն իմ հարստութիւնս աւելցնելու: Երբ բոլոր աշխարհը անդամ իմս լինէր, ես դարձեալ բաւական չէի լինիլ: ”

Եյս մտածողութիւնը վախեցրաւ նրա , և ծունկերը այնպէս սաստիկ դողումէին , որ նա ստիպվեցաւ նստել: Նոյն բոպէին դուռը բաղխեցին: Բաղխողը նրա դրացիներից մինն էր , մի խեղճ մարդ շատ դաւակաց տէր , որոնց չէր կարող կերակրել: ոԵս լաւ գիտեմ , մտածումէր նա , որ իմ դրացիս աւելի խստասիրու է , քան թէ հա-

բուստ, և անտարակոյս կ'մերժէինձ, բայց զաւակներս հաց են խնդրում, ես կ'փորձեմ։”

“Եա ասաց հարուստին. “Դուք ուրիշին բան տալ չեք սիրում, ես այդ գիտեմ. սակայն ես դառնումեմ ձեզ ոչ մեծ յուսով, նման այն խեղդուող մարդու, որ յուսահատութեամբ բռնումէ յարդից. որդիքս սովլաաանջ մեռնումեն, շնորհէք ինձ չորս կապիճ ցորեան։”

Կարեկցութեան կայծը առաջի անդամ կակղեցրեց նրա ժլատ սրտի կոշտութիւնը : ոԵս քեզ ոչ թէ չորս կապիճ, ութը կ'տամ, միայն այն պայմանով …

— Ի՞նչ պայմանով, հարցրեց աղքատը :
“Որ դու առաջի երեք դիշերը իմ մահից յետոյ անցնես շիրիմիս մօտ։”

Այս առաջարկութիւնը հաճոյ չժուեցաւ աղքատին, բայց ի՞նչ անես, այնպիսի թը շուառ վիճակի մէջ նա ամեն բանի կ'համաձայնէր : Նա խոստացաւ և տարաւ ցորենը իր մօտ :

Կարծես թէ կալուածատէրը գուշակել էր ապագան, որովհետև երեք օրից յետոյ նա յանկարծ մեռաւ, և ոչ ոք չմեղքացաւ նրան : Երբ նրան թաղեցին, աղքատի մտքին

Եկաւ խոստումը, որը շատ ուրախ կ'լինէր զանց առնել, բայց ասաց ինքն իրէն. «Այդ մարդը մեծահոգի էր դէսլի ինձ. նա կերակրեց իր հացով զաւակներս և բացի դըրանից ես խօսք տուի, կ'նշանակէ պարտական եմ կատարել:» Երեկոյին գնաց հանգստարան և նստաւ գերեզմանի վրայ: Ամենայն ինչ խաղաղ էր, լուսինը լուսաւորում էր գերեզմանները. և երբեմն երբեմն բուէճը թռթռումէր գերեզմանական ձայներ հանելով: Արևը ենելուն պէս վերադ որձաւ անվտանգ իր տունը. երկրորդ գիշերը անցուց նոյնպէս առանց վտանգի:

Երրորդ գիշերը նա զգաց մի գաղտնի երկիւղ, ասես թէ մի առանձին բան էր պատահել: Մտնելով հանգստարան, նա նկատեց պարսպի մօտ մի քառասուն տարեկան գունաթափ մարդ սուր ու կրակոտ աչքերով և մի հին վերարկու հաղած, որի տակից երեսումէին զինուորականի մեծ կօշիկներ: «Ի՞նչ էր այս տեղ փնդում, գանչեց ուսմիկը, միթէ դուք երկիւղ չքք կրում այս հանգստարանում:»

— Ես ոչինչ չեմ փնդում, պատասխանեց միւսը. ինչից պիտի վախենամ, ես մի արձակուրդս առած զինուոր եմ և այս տեղ

եկել եմ գիշերելու համար, վասն զի այլ
բնակարան չունիմ:

» ԵՇ, լաւ, ասաց ռամիկը, որովհետեւ
դուք տակաւին երկիւղ չէք կրում, եկէք
իմ հետ այն գերեզմանը հսկելու: «

— Ուրախութեամբ, պատասխանեց զի-
նուորականը, հսկողութիւնը իմ արուեստն
է, Մնանք միասին և չարն ու բարին բա-
ժանենք մեր մէջ:

Երկուքն էլ նստան գերեզմանի վրայ :
Մինչեւ կէս գիշերը ամենայն ինչ խսդաղ
էր: Վերջը լսուեցաւ օդի մէջ սուր շառա-
չիւն և պահապանների առաջ ներկայացաւ-
ինքը սատանան: „Հեռացէք այս տեղից,
անիծածներ, ասայ նա նոցա. այս մեռելը
ինձ է պատկանում, ես կ'առնեմ, նրա և եթէ
դուք այս բոլէիս չէք հեռանալ աչքից,
ձեր վիզը կ'թոցնենմ: «

— Պարոն կարմրափետուր, պատասխա-
նեց զինուորը. դուք իմ զօրապէտս չէք և
իրաւունք չունիք ինձ հրամաններ տալու,
ես ամենեւին չեմ վախենում ձեզանից: Գր-
նացէք ձեր ճանապարհով, մենք այս տեղ
կը թնանք:

Սատանան կարծելով որ վողով կ'կարո-
ղանայ յաղթել նոցա, քաղցրութեամբ ասաց

շնէն հեռանալ արդեօք, եթէ նա տայ նոցա
մի պարկ լի ուկի, ո՛Շատ բարի, ասաց
զինուորը, շատ լաւ մտածեցիր, բայց մի
պարկ ուկին բաւական չէ մեզ, մենք չենք
թողնել այս տեղը, մինչեւ կօշիկներիցս մինը
չըլցնենք ուկով:

— Ինչ որ հարկաւոր է, իմ վրաս այժմ
չկայ, ասաց սատանան, բայց կ'երթամ բե-
րելու: Ոչ հեռու այս տեղից բնակուում է
իմ ընկեր Վաշիլիկան, որ ուրախութեամբ
կ'հատուցանէ այս գումարը:“

Երբ սատանան գնաց, զինուորականը
հանեց ձախ կօշիկը, ասելով. ոՄենք նրա
հետ հին պատերազմական խաղկ'խազանք:
Անահայր, տուէք ինձ ձեր դանակը:“ Նա
կտրեց կօշիկի ներբանը և սրունքը ուղիղ
կանդնեցրեց բարձր կանանչների մէջ:
ոՓառք Աստուծոյ, ամեն բան յաջողակ է,
ու սատանան այժմ կարող է վերադառնալ:“

Կոքա շատ չսպասեցին, սատանան եկաւ
փոքր պարկ ուկի ձեռքը բռնած: ոԼցրէք,
ասաց զինուորը, փոքր ինչ բարձրացնելով
կօշիկը, բայց այդ բաւական չի լինիր:“

Չարահնարը թափեց պարկը, բայց ու-
կին ընկաւ հողի վրայ և կօշիկը մնաց դա-
տարկ: ոՏիսմար, գանչեց զինուորը, ասացի-

քեզ որ այդ բաւական չէ : Գնա՛ էլ շատ
բե՛ր : Սատանան գնաց գլուխը թօթափե-
լով և մի ժամից վերադարձաւ աւելի մեծ
պարկով : Ահա այդ բանի նման է, ասաց
զինուորը, բայց չկարծեմ որ լցնէ կօշիկը :

Ոսկին ընկաւ ձայներ հանելով, բայց կօ-
շիկը մնաց դատարկ : Սատանան ինքը հա-
ւաստի եղաւ, նայելովիր կրակոտ աչքերով :
Դինչ սարսափելի և լայնատարած բարձեր *)
պէտք է ունենաս, բացագանցեց սատանան,
երեսը ծռելով : ԱՄԻ՞թէ ուզումէիր, որ իմ
ոտերս էլ քո այծի ոտերին նմանէին, «
պատասխանեց զինուորը : Շատ ժամանակ
է արդեօք, որ այդպէս ժլատ ես եղել : Դէ՛,
բե՛ր ուրիշ պարկեր, ապա թէ ոչ մնաս բա-
րեւ : Նզովածը դարձեալ հեռացաւ : Այս
անդամին նա աւելի ուշացաւ և վերադառ-
նալիս նա ծռվումէր պարկի ծանր բեռնի
տակ որ կրումէր իր ուսերի վրայ : Որքան
չաշխատեց լցնել կօշիկը, բայց նա տակաւին
մնաց դատարկ, որպէս և առաջները : Սա-
տանան շատ բարկացաւ և պատրաստուել
էր յափշտակել կօշիկը զինուորի ձեռքից,
մին էլ տեսնես արեգակի առաջի ճառագայթ-

*) Պալպուք :

Ները լուսացրին երկինքը : Նոյն ըռպէին
սատանան աներևոյթ եղաւ մեծ աղաղակ
բարձրացնելով : Խեղձի հոգին փրկուած էր :

Ուամիկը ուզեց փողը , բաժանել , բայց
զինուորը ասաց . “ Իմ բաժինը տուր աղքա-
տաց , ես կ' գամ քո մօտ և մնացածովը միա-
սին հանգիստ կ' ապրինք ինչպէս որ Աս-
տուած կ' կամենայ : ”

Ար փոքրիկ հովիւ երևելի հանդիսացաւ
իր խմաստուն պատասխաններով այն ամեն
հարցերին , որ նրա առաջարկումէին : Նրա
համբաւը հասաւ մինչև թագաւորի ականջը ,
որ , չհաւատալով ամեն կցկտուր պատմու-
թիւնների , հրամայեց բերել իր մօտ տղան
և ասաց նրան .

— Եթէ դու լաւ պատասխանես իմ
երեք հարցին , որ կ' առաջարկեմ , կ' որդիա-
ցնեմ քեզ և ինձ հետ պալատումն կ' ապ-
րիս :

» ՀՅՆՀ Հարցեր են, թագաւոր, Հարցրեց
տղան:

— ԱՀԱ քեզ առաջինը. քանի՞ կաթիլ
ջուր կայ ծովի մէջ :

Հովուիկը այսպէս պատասխանեց. «Հը-
րամայիր, թագաւոր, պատել աշխարհիս
մեծ և փոքրիկ գետերը, այնպէս, որ մի
կաթ ջուր ծովը չժափի, մինչև որ ես սլրո-
ծնեմ իմ հաշխւը, այն ժամանակ ես քեզ
կ'ասեմ քանի կաթիլ ջուր կայ ծովի մէջ :»

— ԱՀԱ քեզ երկրորդը. քանի՞ ասող
կայ երկնքում: — Հովիւը պատասխանեց .
ո թագաւոր, հրաման տուր բերել մի թերթ-
սպիտակ թուղթ, մի գրիչ և թանաք: «Ասածը
արին: Տղան առաւ գրիչը և սկսաւ այնպէս
փոքրիկ պուտեր գրել մէկ մէկու մօտ, որ
հաղիւ հաղ տեսնուումէին, իսկ համարելը
խելքի ու մտածելու բան չէր, մարդուս
աչքը մութ կըկոխէր: Երբ ամբողջ թերթը
աճուեց, դարձաւ թագաւորին և ասաց.
ո ԱՀԱ երկնքումն էլ կան սյսքան ասող,
որքան որ այս թերթի վրայ պուտեր կան.
համարեցէք ինքներդ, զերդ Մեծութիւն:»

Թագաւորը հաւատաց նրա խօսքին, ըստ
որում ստիպվեցաւ հրաժարուել հաշուե-
լուց :

— Արքորդ հարցիս նպատակն է իմաստալ, յաւիտենականութիւնը քանի վայրկենից բաղկանում է:

ո Զերդ Մեծութիւն, այն տեղ Պոմերանի միւս կողմը կայ մի սար, այդ սարը ունի մի մղոն բարձրութիւն, մի լայնունութիւն և մի խորութիւն։ Հարիւր տարին գալիս է այն տեղ մի թռչուն, ճանկումէ կտուցով սարը և տանումէ իր հետ աղամանդեայ փշուրներ. երբ որ այս թռչունը այդ կերպով ամբողջ սարը կ'ոչնչացնէ, այն ժամանակ կ'անցանէ յաւիտենականութեան առաջին վայրկեանը :⁴

Ուագաւորը ասաց.— Իմ բոլոր հարցերին իմաստունի պէս պատասխանեցիր : Այսօրից եկ ինձ հետ բնակվի՛ր պալատումն եղի՛ր ինձ որդի:



ՑԱՆԿ

1 Ուամիկը Երկնքում	5
2 Սպիտակ Զիւն և կարմիր Վարդ	7
3 Պրեմ Քաղաքի Երաժիշտքը	19
4 Արջի մորթի Հագած մարդ	26
5 Հաւատարիսմ Յովհաննէսը	36
6 Երեք Բաղդաւոր Ժառանգ	52
7 Գերեզման	56
8 Փռքըիկ Հովիւ	63

11

504

u.s.

07

L333C

2013

